

唐太常寺奉禮郎李賀歌



詩集叙



太和五年十月中半夜時舍外有疾

呼傳緘書者牧曰必有異亟取火來

及發之果集賢學士沈公子明書一

通曰我亡友李賀元和中義愛甚厚

日夕相與起居飲食賀且死嘗授我

平生所著歌詩為四編凡二百三十
三首數年東西南北良為已失去今
夕醉解不復得寐即閱理篋帙忽得
賀詩前授我者思理往事凡與賀話
言嬉游一處所一物候一日一夕一
觴一飴顯顯然無有忘棄者不覺出

涕賀復無家室子弟得以給養卹問
常恨想其人味其言止矣子厚於我
與我為賀集序盡道其所來由亦少
解我意牧其夕不果以書道不可明
日就公謝且曰世謂賀才絕出前讓
居數日牧深惟公曰公於詩為深妙

奇博且復盡知賀之得失短長今實
叙賀不讓必不能當公意如何復就
謝極道所不敢叙賀公曰子固若是
是當慢我牧因不敢復辭勉為賀叙
然其甚慙唐皇諸孫賀字長吉元和
中韓吏部亦頗道其歌詩雲烟綿聯

不足為其態也水之迢迢不足為其
情也春之盎盎不足為其和也秋之
明潔不足為其格也風檣陣馬不足
為其勇也瓦棺篆鼎不足為其古也
時花美女不足為其色也荒國侈殿
梗莽丘隴不足為其恨怨悲愁也鯨

去鰲擲牛鬼蛇神不足為其虛荒誕
幻也蓋騷之苗裔理雖不及辭或過
之騷之有感怨刺對言及君臣理辭
時有以激發人意乃賀所為無得有
是賀能探尋前事所以深難恨古今
未嘗經道者如金銅仙人辭漢歌補

梁庾肩吾宮體謠求取情狀離絕遠
去筆墨畦逕間亦殊不能知之賀生
二十七年死矣世皆曰使賀且未死
少加以理奴僕命騷可也賀死後凡
十有五年京兆杜牧為其叙
叙畢

李賀小傳

李商隱

京兆杜牧為李長吉集叙狀長吉之奇甚盡
世傳之長吉姊嫁王氏者語長吉之事尤備
長吉細瘦通眉長指爪能苦吟疾書最先為
昌黎韓愈所知所與游者王參元楊敬之權
璩崔植為密每旦日出與諸公游未嘗得題
然後為詩如他人思量牽合以及程限為意
恒從小奚奴騎距驢背一古破錦囊遇有所

得即書投囊中及暮歸太夫人使婢受囊出之見所書多輒曰是兒要當嘔出心始已耳上燈與食長吉從婢取書研墨疊紙足成之投他囊中非大醉及吊喪日率如此過亦不復省王楊輩時復來探取寫去長吉往往獨騎往還京雒所至或時有著隨棄之故沈子明家所餘四卷而已長吉將死時忽晝見一緋衣人駕赤蚪持一板書若太古篆或霹靂

石文者云當召長吉長吉了不能讀歛下榻叩頭言阿彌老且病賀不願去緋衣人笑曰帝成白玉樓立召君為記天上差樂不苦也長吉獨泣邊人盡見之少之長吉氣絕常所居窓中敕敕有煙氣聞行車嚙管之聲太夫人急止人哭待之如炊五斗黍許時長吉竟死王氏娣非能造作謂長吉者實所見如此嗚呼天蒼蒼而高也上果有帝耶帝果有苑

園宮室觀閣之玩耶苟信然則天之高邈地
之尊嚴亦宜有人物文彩愈此世者何獨番
番於長吉而使其不壽耶噫又豈世所謂才
而竒者不獨地上少耶天上亦不多耶長吉
生二十七年位不過奉禮太常中當時人亦
多排擯毀斥之又豈才而竒者帝獨重之而
人反不重耶又豈人見會勝帝耶
傳畢

李長吉詩集目錄

唐隴西李賀長吉父著

一卷

李憑箏篋引

還自會稽歌

示弟猶

賦御溝水

七夕

殘絲曲

寄權璩楊敬之

竹

憶昌谷山居

過華清宮

送沈亞之歌

詠懷二首

追和柳惲

春坊正字劔子歌

貴公子夜闌曲

鴈門太守行

大堤曲

蜀國絃

蘇小小墓

夢天

唐兒歌

綠章封事

十三月樂舞

二卷

天上謠

浩歌

秋來

帝子歌

秦王飲酒

洛姝真珠

李夫人

走馬引

湘妃

南園十三首

金銅仙人辭漢歌

古悠悠行

黃頭郎

馬詩二十三首

申胡子感策歌

老夫採玉歌

傷心行

湖中曲

黃家洞

屏風曲

南山田中行

貴主征行樂

張大徹索贈詩

羅浮山人與葛篇

雜叙皇甫湜

宮娃歌

堂堂

勉愛行

致酒行

長歌續短歌

公莫舞歌

北園新筍四首

惱公

感諷五首

三月過行宮

追和何謝銅雀妓

送秦光祿北征

酬答二首

畫角東城

嘲謝秀才四首

三卷

昌谷讀書

巴童答

代崔家送客

出城

莫種樹

將發

追賦畫江潭

病酒寄十四兄

難忘曲

賈公問貴壻曲

夜飲朝眠曲

王濬墓下作

客遊

崇義里滯雨

馮小憐

贈陳商

釣魚詩

奉和二兄追馬歸

答贈

題趙生壁

感春

仙人

河陽歌

花遊曲

春晝

安樂宮

蝴蝶飛

梁公子

牡丹種冊

後園鑿井

開愁歌

秦宮詩

古鄴城童子謠

青華紫石硯歌

房中思

石城曉

苦晝短

章和二年中

春歸昌谷

昌谷詩

銅駝悲

自昌谷到洛後門

曉入太行山

秋京詩寄十二兄

艾如張

上雲樂

摩多樓子

猛虎行

日出行

苦篁調嘯引

拂舞歌詞

夜坐吟

箎篴引

巫山高

平城下

江南弄

榮華樂

相勸酒

四卷

瑤華樂

北中寒

梁臺古怨

公無出門

神絃曲

神絃

神絃別曲

綠水詞

沙路曲

上之回

高軒過

貝宮夫人

蘭香神女廟

送帝仁實入關

別皇甫湜

溪晚涼

官不來

長平箭頭歌

江樓曲

塞下曲

染絲上春機

五粒小松歌

塘上行

呂將軍歌

休洗紅

野歌

將進酒

美人梳頭歌

月漉漉篇

京城

官街鼓

許公子鄭姬歌

新夏歌

題歸夢

經沙苑

出城別又新

南園

假龍吟歌

感調六首

莫愁曲

夜來樂

嘲雪

春懷引

白虎行

有所思

嘲少年

高平縣東私路

神仙曲

龍夜吟

崑崙使者

嘆唐姬飲酒歌

聽穎師琴歌

謠俗

李長吉目錄 畢

唐李長吉詩集一卷

唐隴西李賀長吉父著

李憑箏篋引

吳絲蜀桐張高秋。空山凝雲頽不流。江娥啼
 竹素女愁。李憑中國彈箏篋。崑山玉碎鳳凰
 叫。芙蓉泣露香蘭笑。十二門前融冷光。二十
 三絲動紫皇。女媧煉石補天處。石破天驚逗
 秋雨。夢入神山教神嫗。老魚跳波瘦蛟舞。吳

說得古古恠恠

李長吉詩集

質不眠倚桂樹。露脚斜飛濕寒兔。結三句皆夢所見

殘絲曲 賦晚春也

垂楊葉老鶯哺兒。殘絲欲斷黃蜂歸。綠髮年
少金釵客。縹粉壺中沉琥珀。酒也花臺欲暮春辭
去。落花起作迴風舞。榆夾相催不知數。沈郎
青錢夾城路。有榆夾錢

還自會稽歌

庾肩吾於梁時嘗作宮體謠引以應和皇

子及國世淪敗。肩吾先潛難。會稽後始還。
家僕意其必有遺文。今無得焉。故作還自
會稽歌以補其悲。

野粉椒壁黃。濕螢滿梁殿。臺城應教人。應制也秋衾
夢銅輦。吳霜點歸髮。身與塘蒲晚。脉脉辭金
魚。羈臣守迤賤。

出城寄權璩楊敬之 當是應舉失意人

草暖雲昏萬里春。宮花拂面送行人。漢高帝斬蛇劇自言漢

李長吉詩 一 卷
劍當飛去何事還車載病身。

示弟猶

別弟三年後還家一日餘醪醺衡州靈縣酒甚美呼曰靈醪今夕酒細帙行

去時書病骨猶能在人間底事無何須問牛時命不常即此句意此句言不可定

馬拋擲任臬廬臬廬意

竹

入水文光動。抽空綠影春。露華生筍逕。苔色

拂霜根。織可承香汗。裁堪釣錦鱗。三梁曾入

用一節奉王孫。此句見史記趙世家

同沈駙馬賦得御溝水

入苑白泱泱。宮人正靨黃。遶堤龍骨冷。拂岸

鴨頭香。別館驚殘夢。停盃泛小觴。幸因流浪

處暫得見何郎

始為奉禮憶昌谷山居

掃斷馬蹄痕。衙回自閉門。長鎗江米熟。小樹

棗花春。向壁懸如意。當簾閱角巾。犬書曾去

平易似不出賀
手冲淡拙率尤
是賀之佳處

洛鶴病悔遊秦土
甌封茶葉山盃鎖竹根不
知船上月誰棹滿溪雲

七夕

別浦今朝暗羅帷午夜愁
鵲辭穿線月花入曝衣
樓天上分金鏡人間望玉鈎
錢塘蘇小小更值一年秋

過華清宮

春月夜啼鴉宮簾隔御花雲生朱絡暗石斷

紫錢斜玉枕盛殘露銀燈點舊紗蜀王無近
信泉上有芹芽

送沈亞之歌

文人沈亞之元和七年以書不中第返歸
于吳江吾悲其行無錢酒以勞又感沈之
勤請乃歌一解以勞之

吳興才人怨春風桃花滿陌千里紅紫絲竹
斷驄馬小家住錢塘東復東白藤交穿織書

笑短策齊裁如梵夾雄光寶礦獻春卿煙底
驀波乘一葉春卿拾材白日下擲置黃金解
龍馬攜笈歸江重入門勞勞誰是憐君者吾
聞壯夫重心骨古人三走無摧梓請君待旦
事長鞭他日還轅及秋律

詠懷一

長卿懷茂陵綠草垂石井彈琴看文君春風
吹鬢影梁王與武帝棄之如斷梗唯晉一簡

書金泥泰山頂

詠懷二

日夕看書罷驚霜落素絲鏡中聊自笑詎是
南山期頭上無幅巾苦蘗已染衣不見清溪
魚飲水得相宜

追和柳惲

汀洲白蘋草柳惲乘馬歸江頭檣樹香岸上
蝴蝶飛酒盃箬葉露玉軫蜀桐虛朱樓通水

陌沙暖一雙魚

春坊正字劔子歌

先輩匣中三尺水曾入吳潭斬龍子
隙月斜明刮露寒練帶平鋪吹不起
蛟胎皮老蒺藜刺礪鷄淬花白鷗尾
直是荆軻一片心莫教照見春坊字
接絲團金懸麗殺神光欲截藍田玉
提出西方白帝驚嗷嗷鬼母秋郊哭

貴公子夜闌曲

裊裊沉水煙烏嗥夜闌景曲沼芙蓉波腰圍
白玉玲

鴈門大守行

黑雲壓城城欲摧甲光向日金鱗開
角聲滿天秋色裏塞上燕脂凝夜紫
半捲紅旗臨易水霜重鼓寒聲不起
報君黃金臺上意提攜玉龍為君死

大堤曲

妾家住橫塘紅紗滿桂香青雲教縮頭上髻
明月與作耳邊璫蓮風起江畔春大堤上留
北人卽食鯉魚尾妾食猩猩脣莫指襄陽道
綠浦歸帆少今日菖蒲花明朝楓樹老

蜀國絃

楓香晚花靜錦水南山影驚石墜猿哀竹雲
愁半嶺涼月生秋浦玉沙粼粼光誰家紅淚
客不忍過瞿塘

蘇小小墓

幽蘭露如啼眼無物結同心烟花不堪剪草
如茵松如蓋雨為裳水為珮油壁車久相待
冷翠燭勞光彩西陵下風吹雨

下音戶

夢天

老兔寒蟾泣天色雲樓半開壁斜白玉輪軋
露濕團光鸞珮相逢桂香陌黃鹿清水三山
下更變千年如走馬遙望齊州九點烟一泓

海水杯中瀉

唐兒歌

杜函公之子

頭王硤硤眉刷翠杜郎生得真男子骨重神
寒天廟器一雙瞳人剪秋水竹馬梢梢搖綠
尾銀鸞睽光踏半臂東家嬌娘求對值濃笑
書空作唐字眼大心雄知所以莫忘作歌人
姓李

綠章封事

爲吳道士夜醮作

青霓扣額呼宮神鴻龍玉狗開天門石榴花
發滿溪津溪女洗花染白雲綠章封事認元
父六街馬蹄浩無主虛空風氣不清冷短衣
小冠作塵土金家香街千輪鳴楊雄秋室無
俗聲願携漢戟招書鬼休令恨骨填蒿里

河南府試十二月樂詞

正月

上樓迎春新春歸暗黃著柳宮漏遲薄薄淡

李長吉詩一
卷
霽弄野姿寒綠幽風生短絲錦床曉臥玉肌
冷露臉未開對朝暝官街柳帶不堪折早晚
菖蒲勝綰結

二月

飲酒採桑津宜男草生蘭笑人蒲如交劍風
如薰勞勞鶯鶯怨酣春薇帳逗烟生綠塵金
翹峨髻愁暮雲香颯起舞真珠裙津頭送別
唱流水酒客背寒南山死

三月

東方風來滿眼春花城柳暗愁殺人複宮深
凝竹風起新翠舞衿淨如水光風轉蕙百餘
里暖霧驅雲撲天地軍裝宮妓掃蛾淺搖搖
錦旗夾城暖曲水飄香去不歸梨花落盡成
秋苑

四月

曉涼暮涼樹如蓋千山濃綠生雲外依微香

李長吉詩八卷
九
雨青氛氲膩葉蟠花照曲門金塘閑水搖碧
漪老景沉重無驚飛墮紅殘萼暗參差

五月

雕玉押簾額輕縠籠虛門井汲鉛華水扇織
鴛鴦紋迴雪舞涼殿甘露洗空綠羅袖從徊
翔香汗霑寶粟

六月

裁生羅伐湘竹帔拂疎霜簟秋玉炎炎紅鏡

東方開暈如車輪上徘徊啾啾赤帝騎龍來
七月

星依雲渚冷露滴盤中圓好花生木末衰蕙
愁空園夜天如玉砌池葉極青錢僅厭舞衫
薄稍知花簟寒曉風何拂拂北斗光闌干

八月

孀妾怨長夜獨客夢歸家傍簷蟲緝絲向壁
燈垂花簾外月光吐簾內樹影斜悠悠飛露

姿點綴池中荷

九月

離宮散螢天似水竹黃池冷芙蓉死月綴金
鋪光脉脉涼苑虛庭空澹白露花飛飛風草
草翠錦爛斑滿層道鷄人罷唱曉瓏璵鴟啼
金井下疎桐

十月

玉壺銀箭稍難傾缸花夜笑凝幽明碎霜斜

舞上羅幕燭龍兩行照飛閣珠帷怨臥不成
眠金鳳刺衣著體寒長眉對月闔鸞環

十一月

宮城團迴凜嚴光白天碎碎墮瓊芳搗鍾高
飲千日酒戰却疑寒作君壽御溝泉合如環
素火井溫泉在何處

十二月

日脚淡光紅灑灑薄霜不銷桂枝下依稀和

李長吉詩集 一卷
氣排冬嚴已就長日辭長夜

閏月

帝重光年重時七十二候迴環推天宮銜瑄
灰剝飛今歲何長來歲遲王母移桃獻天子
羲氏和氏遷龍轡

李長吉詩集一卷終